



Broj:01-02-1557/22  
Sarajevo: 21.07.2022.

**VLADA FBIH**  
n/r Edita Kalajdžić, tajnik

**PREDMET: Prijedlog Zakona o izmjenama i dopunama Zakona o zdravstvenom osiguranju – žurni postupak predlagateljica Jasmina Zubić zastupnica u Zastupničkome domu Parlamenta Federacije BiH**

U privitku vam glede davanja mišljenja, dostavljamo Prijedlog Zakona o izmjenama i dopunama Zakona o zdravstvenom osiguranju, kojega je po žurnome postupku predložila Jasmina Zubić zastupnica u Zastupničkome domu Parlamenta Federacije BiH.



ТАЈНИК

Ivan Miličević

Sarajevo, 21.07.2022. godine

Jasmina Zubić, zastupnica  
Zastupnički dom Parlamenta Federacije BiH

PARLAMENT FEDERACIJE BiH  
ZASTUPNIČKI DOM  
n/r predsjedavajući Mirsad Zaimović

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 21-07-2022			
Org. jed.	Broj	Priloga	Vrijednost
01	-02-	1557	122

**PREDMET:** Zahtjev za uvrštavanje Prijedloga Zakona o izmjenama i dopunama Zakona o zdravstvenom osiguranju (**po hitnom postupku**) na Dnevni red 35. redovne sjednice Zastupničkog doma Federacije BiH zakazane za dan 26. i 27. juli 2022. godine

U skladu sa članom 11. i članom 179. stav (1) a u vezi sa članom 191. stav (2) i i članom 192. Poslovnika Zastupničkog doma Parlamenta Federacije BiH ("Službene novine Federacije BiH" broj: 69/07, 2/08 i 26/20) dostavljam Vam **Prijedlog zakona o izmjenama i dopunama Zakona o zdravstvenom osiguranju** radi razmatranja i usvajanja **po hitnom postupku** na 35. redovnoj sjednici Zastupničkog doma Parlamenta Federacije BiH koja je zakazana za 26. i 27. juli 2022. godine.

Predlažem da se ovaj zakon donese po hitnom postupku, u skladu sa članom 191. Poslovnika Zastupničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08 i 26/20) jer Vlada Federacije BiH odnosno Federalno ministarstvo zdravstva do danas nisu ispoštovali Zaključak Zastupničkog doma Parlamenta Federacije BiH, broj: 01-02-1114/22 od 29.06.2022. godine sa 34. redovne sjednice održane dane 28.06.2022. godine, kojim im je naloženo da u roku od 15 dana Zastupničkom domu Parlamenta Federacije BiH predlože rješenje za kategorije koje su obuhvaćene prijedlogom amandmana koje sam podnijela na Prijedlog Zakona o izmjenama i dopunama Zakona o zdravstvenom osiguranju a koji se razmatrao i usvajao na pomenutoj sjednici. Predmet regulacije ovog Zakona je zaštita osnovnih ljudskih prava – prava na zdravlje za marginalizirane grupe građana/građanki Federacije BiH koji zahtijeva **hitno i neodložno rješenje** a donošenje zakona u redovnom postupku moglo bi izazvati nesagledive i štetne posljedice na njihove živote i Federaciju BiH. Napominjem da se u jednom dijelu teksta Prijedloga Zakona radi o usklađivanju sa Presudom Ustavnom suda Federacije BiH („Službene novine Zeničko-dobojskog kantona", broj 2/20), koja je donesena povodom zahtjeva Dopredsjednika Federacije Bosne i Hercegovine za utvrđivanje ustavnosti člana 19. tač. 12. i 13a. Zakona o zdravstvenom osiguranju.

Prijedlog Zakona o izmjenama i dopunama Zakona o zdravstvenom osiguranju podnosim u istovjetnoj verziji teksta Prednacrta zakona o izmjenama i dopunama Zakona o zdravstvenom osiguranju koje je Federalno ministarstvo zdravstva izradilo u skladu sa Zaključkom Zastupničkog doma Parlamenta Federacije BiH (broj: 01-02-1114/22 od 29.06.2022. godine) i koji je dana 07.07.2022. godine dostavljen nadležnim institucijama u federaciji i kantonima. Prema mojim saznanjima u datom roku samo su dva kantona su dostavili mišljenje pa se smatra da su ostali kantoni koji se nisu oglasili saglasni sa tekstom Prijedloga Zakona o izmjenama i dopunama Zakona o zdravstvenom osiguranju,

S poštovanjem.

Zastupnica

s.r. Jasmina Zubić

**PRIJEDLOG**

**ZAKON O IZMJENAMA I DOPUNAMA  
ZAKONA O ZDRAVSTVENOM OSIGURANJU**

**Sarajevo, juli 2022. godine**



**ZAKON O IZMJENI I DOPUNAMA  
ZAKONA O ZDRAVSTVENOM OSIGURANJU**

**Član 1.**

(1) U Zakonu o zdravstvenom osiguranju ("Službene novine Federacije BiH", br. 30/97, 7/02, 70/O8, 48/11 I 36/18), u članu 19. tač. 12., 13, 13a. i 14. mijenjaju se i glase:

"12. nezaposlene lica koje su prijavljena službi za zapošljavanje, ako su:

- se prijavile nakon prestanka radnog odnosa, obavljanja djelatnosti ili nakon prestanka primanja naknade plate na koju imaju pravo prema ovom zakonu ili prema propisima donesenim na temelju ovog zakona,

- se prijavile nakon otpuštanja iz ustanove za izvršenje krivičnih i prekršajnih sankcija, iz zdravstvene ili druge specijalizirane ustanove, ako je bila primijenjena mjera sigurnosti obaveznog psihijatrijskog liječenja u zdravstvenoj ustanovi ili obaveznog liječenja alkoholičara i lica ovisnih o drugim psihoaktivnim supstancama

- na stručnom osposobljavanju ili prekvalifikaciji koje organizuje služba za zapošljavanje,

- se prijavile, po povratku iz inostranstva I ako su prije odlaska u inostranstvo bile zdravstveno osigurane,

- se prijavile nakon završetka školske godine u kojoj su završile redovno školovanje, odnosno od dana položenog ispita, ako su prije toga izgubile pravo na zdravstvenu zaštitu."

13. djeca od rođenja do 18. godine života, uključujući i djecu od 6. do 15. godine života koja ne pohađaju osnovno obrazovanje (djeca bez roditeljskog staranja, odgojno zanemarena djeca, odgojno zapuštena djeca, djeca čiji je razvoj ometen porodičnim prilikama i sl.), a nisu zdravstveno osigurana kao članovi porodiceosiguranika;

13a. djeca za vrijeme redovnog školovanja u osnovnim i srednjim školama odnosno studiranja na višim i visokim školama te univerzitetima, koja su državljani Bosne I Hercegovine s prebivalištem na teritoriji Federacije, a nisu zdravstveno osigurana kao članovi porodice osiguranika, ali najduže do navršene 27. godine života;

14. lica starije od 18. godina koja su prema propisima o školovanju izgubila status redovnog učenika, odnosno redovnog studenta ili su prekinula redovno školovanje zadržavaju pravo na zdravstvenu zaštitu u trajanju od jedne godine od dana prekida školovanja, ako su se u godini u kojoj su izgubili status redovnog učenika odnosno redovnog studenta, prijavili službi za zapošljavanje I ako pravo na zdravstvenu zaštitu ne mogu ostvariti po drugom osnovu."

(2) U članu 19. iza tačke 14. dodaju se nove tačke 14a. i 14b. koje glase:

"14a. lice koje ostvaruje zdravstveno osiguranje u skladu sa zakonom kojim se uređuju prava iz oblasti socijalne zaštite.

14b. druga lica za koja je uplaćen doprinos za zdravstveno osiguranje."

(3) U članu 19. tačka 16. briše se.

(4) U članu 19. tačke 17. do 21. postaju tačke 16. do 20.

## Član 2.

(1) U članu 86. u stavu (1) tačka 3. mijenja se I glasi

"3. Služba za zapošljavanje za lica koja su privremeno nezaposlena i kod kojih su ta lica prijavljena u skladu sa propisom o posredovanju u zapošljavanju i socijalnoj sigurnosti neuposlenih lica, a u vezi sa članom 19. tačka 12. i 14. Zakona."

(2) U članu 86. u stavu (1) tačka 7. mijenja se i glasi:

„7. nadležni organ uprave u Federaciji odnosno kantonu - za pripadnike FMUP-a i za pripadnike kantonalne policije;"

(3) U članu 86. u stavu (1) tačka 7a. mijenja se I glasi;

“7a. tijelo uprave kantona mjerodavno za poslove socijalne i dječije zaštite:

- za djecu od rođenja do 18. godine života, uključujući i djecu od 6. do 15. godine života koja ne pohađaju osnovno obrazovanje (djeca bez roditeljskog staranja, odgojno zanemarena djeca, odgojno zapuštena djeca, djeca čiji je razvoj ometen porodičnim prilikama i sl.), a nisu zdravstveno osigurana kao članovi porodice osiguranika, u skladu sa članom 19. Stav (1) tačka 13. Zakona.

- za lica nakon navrsenih 65 godina života, koje nisu zdravstveno osigurana po drugoj osnovi u skladu sa članom 19. stav (1) tačka 13b. Zakona,

-za lica koja ostvaruju zdravstveno osiguranje u skladu sa zakonom kojim se uređuju prava iz oblasti socijalne zaštite, u skladu sa članom 19. stav (1) tačka 14a. Zakona.

(4) U članu 86. u stavu (1) tačka 9. mijenja se I glasi:

“9. nadležni organ uprave kantona odnosno općine za socijalno ugrožena lica koje nisu osigurana po drugom osnovu, kao i za lica iz člana 19. tačka 15. i člana 24. tačka 1, 2. i 3. ovog zakona;"

(5) U članu 86. i stavu 1. iza tačke 9) dodaje se nova tačka 10) koja glasi:

“druga pravna i fizička lica koja uplaćuju doprinos za obavezno zdravstveno osiguranje u skladu sa članom 19. tačka 14b. Zakona, a koja nisu navedena kao obveznici obračunavanja i uplate doprinosa za obavezno zdravstveno osiguranje u ovom članu."

## Član 3.

Ovaj zakon stupa na snagu osmoga dana od dana objave u "Službenim novinama Federacije BiH", a primjenjivat će se od 01.01.2023. godine.



**Obrazloženje**  
**Prijedloga Zakona o izmjenama i dopunama**  
**Zakona o zdravstvenom osiguranju**

**I. USTAVNI OSNOV**

Ustavni osnov za donošenje ovog zakona sadržan je u Poglavlju III član 2. pod b) i članu 3. Ustava Federacije Bosne i Hercegovine. Prema navedenim odredbama predviđena je podijeljena nadležnost federalne vlasti i kantona u oblasti zdravstva, s tim da:

- federalna vlast ima pravo utvrđivati politiku i donositi zakone koji se tiču ove oblasti (član III 3. stav 3);
- kantoni imaju pravo utvrđivati politiku i provoditi zakone (član III 3. stav 4.);
- u skladu sa potrebama, nadležnosti u oblasti zdravstva ostvaruju se od strane kantona koordinirano od federalne vlasti (član III 3. Stav 1.), pri čemu federalna vlast uzima u obzir različite situacije u pojedinim kantonima i potrebu za fleksibilnošću u provođenju (član III 3. stav 3.).

Prijedlog zakona o izmjenama i dopunama Zakona o zdravstvenom osiguranju je u istovjetnom tekstu u formi Prednacrtu Zakona o izmjenama i dopunama Zakona o zdravstvenom osiguranju od strane Federalnog ministarstva zdravstva upućen na mišljenje kantonima, Federalnom ministarstvu obrazovanja i nauke, Federalnom ministarstvu rada i socijalne politike i Federalnom zavodu za zaposljavanje, te u skladu sa Poslovníkom o radu Vlade Federacije BiH Federalnom ministarstvu pravde, Federalnom ministarstvu finansija/Federalnom ministarstvu financija, kao i Uredu Vlade Federacije Bosne i Hercegovine za zakonodavstvo i usklađenost sa propisima Evropske unije

**II RAZLOZI ZA DONOSENJE**

Na 34. redovnoj sjednici Zastupničkog doma Parlamenta Federacije BiH održanoj 28.06.2022. godine donesen je Zaključak broj: 01-02-1114/22 od 29.06.2022. godine kojim se zadužuje Vlada Federacije BiH, odnosno Federalno ministarstvo zdravstva da u roku od 15 dana, Zastupničkom domu Parlamenta Federacije BiH predloži rješenja za kategorije koje su obuhvaćene prijedlogom amandmana zastupnice Jasmine Zubić na Prijedlog zakona o izmjeni i dopuni Zakona o zdravstvenom osiguranju. Postupajući po navedenom Zaključku, Federalno ministarstvo zdravstva je izradilo tekst novog Zakona u formi Prednacrtu ali ga do danas nije dostavio Zastupničkom domu Parlamenta Federacije BiH. Predmet ovog Prijedloga Zakona zaštita osnovnih ljudskih prava – prava na zdravlje za marginalizirane grupe građana/građanki Federacije BiH koji zahtijeva **hitno i neodložno rješenje** a donošenje zakona u redovnom postupku moglo bi izazvati nesagledive i štetne posljedice na njihove živote i Federaciju BiH.

**III USKLAĐENOST SA PROPISIMA EU**

U vezi sa predmetom regulacije ovog zakona, ne postoje sekundarni izvori prava Europske unije s kojima bi se zakon mogao usklađivati.

#### IV OBRAZLOŽENJE PRAVNIH RJEŠENJA

Clan 1. predviđa da se u Zakonu o zdravstvenom osiguranju („Službene novine Federacije BiH”, br. 30/97, 7/02, 70/08, 48/11 i 36/18), u članu 19. tačka 12, 13, 13a. i 14. mijenjaju i glase:

„12. nezaposlena lica koja su prijavljena službi za zapošljavanje, ako su:

- se prijavile nakon prestanka radnog odnosa, obavljanja djelatnosti ili nakon prestanka primanja naknade plate na koju imaju pravo prema ovom zakonu ili prema propisima donesenim na temelju ovog zakona,

- se prijavile nakon otpuštanja iz ustanove za izvršenje krivičnih i prekršajnih sankcija, iz zdravstvene ili druge specijalizirane ustanove, ako je bila primijenjena mjera sigurnosti obaveznog psihijatrijskog liječenja u zdravstvenoj ustanovi ili obaveznog liječenja alkoholičara i lica ovisnih o drugim psihoaktivnim supstancama

- na stručnom osposobljavanju ili prekvalifikaciji koje organizuje služba za zapošljavanje,

- se prijavile, po povratku iz inostranstva I ako su prije odlaska u inostranstvo bile zdravstveno osigurane,

- se prijavile nakon završetka školske godine u kojoj su završile redovno školovanje, odnosno od dana položenog ispita, ako su prije toga izgubile pravo na zdravstvenu zaštitu.”.

13. djeca od rođenja do 18. godine života, uključujući i djecu od 6. do 15. godine života koja ne pohađaju osnovno obrazovanje (djeca bez roditeljskog staranja, odgojno zanemarena djeca, odgojno zapuštena djeca, djeca čiji je razvoj ometen porodičnim prilikama i sl.), a nisu zdravstveno osigurana kao članovi porodiceosiguranika;

13a. djeca za vrijeme redovnog školovanja u osnovnim i srednjim školama odnosno studiranja na višim i visokim školama te univerzitetima, koja su državljani Bosne i Hercegovine s prebivalištem na teritoriji Federacije, a nisu zdravstveno osigurana kao članovi porodice osiguranika, ali najduže do navršene 27. godine života;

14. lica starije od 18. godina koja su prema propisima o školovanju izgubila status redovnog učenika, odnosno redovnog studenta ili su prekinula redovno školovanje zadržavaju pravo na zdravstvenu zaštitu u trajanju od jedne godine od dana prekida školovanja, ako su se u godini u kojoj su izgubili status redovnog učenika odnosno redovnog studenta, prijavili službi za zapošljavanje I ako pravo na zdravstvenu zaštitu ne mogu ostvariti po drugom osnovu.”.

(2) U članu 19. iza tačke 14. dodaju se nove tačke 14a. i 14b. koje glase:

“14a. lice koje ostvaruje zdravstveno osiguranje u skladu sa zakonom kojim se uređuju prava iz oblasti socijalne zaštite.



14b. druga lica za koja je uplaćen doprinos za zdravstveno osiguranje."

Istim je članom predviđeno da se u članu 19. tačka 16. briše, a ovo iz razloga što se ista odnosila na pripadnike Vojske Federacije BiH, a što je naknadno regulisano posebnim Zakonom o službi u Oružanim snagama Bosne i Hercegovine. Zbog brisanja ove tačke, posebnim stavom je propisano da tačke. 17. do 21. sada postaju tačke 16. do 20.

Članom 2. ovog zakona vrse se izmjene i dopune član 86. kako bi sada ta odredba bila u cijelosti usklađena sa novinama koje su uvedene u članu 19. Zakona.

U članu 86. u stavu (1) tačka 3. mijenja se I glasi:

"3. Služba za zapošljavanje za lica koja su privremeno nezaposlena i kod kojih su ta lica prijavljena u skladu sa propisom o posredovanju u zapošljavanju i socijalnoj sigurnosti neuposlenih lica, a u vezi sa članom 19. tačka 12. i 14. Zakona."

U istom stavu mijenja se i tačka 7. i glasi:

„7. nadležni organ uprave u Federaciji odnosno kantonu-za pripadnike FMUP-a i za pripadnike kantonalne policije;"

Nadalje, tačka 7a. također je prelirpjela izmjene, te se njen sadržaj definiše na sljedeći način:

“7a. tijelo uprave kantona mjerodavno za poslove socijalne i dječije zaštite:

- za djecu od rođenja do 18. godine života, uključujući i djecu od 6. do 15. godine života koja ne pohađaju osnovno obrazovanje (djeca bez roditeljskog staranja, odgojno zanemarena djeca, odgojno zapuštena djeca, djeca čiji je razvoj ometen porodičnim prilikama I sl.), a nisu zdravstveno osigurana kao članovi porodice osiguranika, u skladu sa članom 19. Stav (1) tačka 13. Zakona.

- za lica nakon navrsenih 65 godina života, koje nisu zdravstveno osigurana po drugoj osnovi u skladu sa članom 19. stav (1) tačka 13b. Zakona,

-za lica koja ostvaruju zdravstveno osiguranje u skladu sa zakonom kojim se uređuju prava iz oblasti socijalne zaštite, u skladu sa članom 19. stav (1) tačka 14a. Zakona.

Tačka 9. mijenja se I glasi:

“9. nadležni organ uprave kantona odnosno općine za socijalno ugrožena lica koje nisu osigurana po drugom osnovu, kao i za lica iz člana 19. tačka 15. i člana 24. tačka 1, 2. i 3. ovog zakona;"

I na kraju, u članu 86. u stavu (1) iza tačke 9. dodaje se nova tačka 10. koja glasi:

“druga pravna i fizička lica koja uplaćuju doprinos za obavezno zdravstveno osiguranje u skladu sa članom 19. tačka 14b. Zakona, a koja nisu navedena kao obveznici obračunavanja i uplate doprinosa za obavezno zdravstveno osiguranje u ovom članu."

Članom 3. određuje se vrijeme stupanja na snagu ovog zakona, a početak primjene utvrđuje se datumski od 01.01.2023. godine.

## **VI. FINANCIJSKA SREDSTVA**



Za provedbu ovog zakona potrebno je osigurati sredstva kod nadležnih organa kantona, kao i kod službe za zaposljavanje, a koji su obveznici obračunavanja I uplate doprinosa za obvezno zdravstveno osiguranje. Imajući u vidu da se ovaj zakon kandidira u 2022. godini, smatramo da je potrebno sredstva za implementiranje ovog zakona predvidjeti u sljedećoj i fiskalnoj godini, 2023. godini, u skladu sa propisima o budžetu u Federaciji Bosne i Hercegovine.

## **PRILOG**

### **TEKST ČLANOVA ZAKONA O ZDRAVSTVENOM OSIGURANJU koje se mijenjaju i dopunjuju („Službene novine Federacije BiH”, br. 30/97, 7/02, 70/08, 48/11 i 36/18)**

#### **Član 19.**

Prema ovom zakonu osiguranici su:

1. lica koje su u radnom odnosu u poduzećima, ustanovama, zadrugama i drugim oblicima organizovanja, kod radnika koji samostalno obavljaju djelatnost ličnim radom, sredstvima u svojini građana, kod radnika koji ličnim radom, samostalno u vidu zanimanja, obavljaju profesionalnu djelatnost (u daljem tekstu: pravna i fizička lica), na teritoriji Federacije,
2. lice u radnom odnosu kod pravnog ili fizičkog lica sa sjedištem na teritoriji Federacije, upućene na rad ili stručno usavršavanje u inostranstvo, te lica na radu u domaćinstvima osiguranika koji se nalaze na radu u inostranstvu, ako su državljani Federacije Bosne i Hercegovine,
3. osobe koje su izabrane ili imenovane na stalne dužnosti u određenim tijelima državne ili sudske uprave u Federaciji ili kantonu, ako za taj rad primaju plaću,
4. državljani Federacije Bosne i Hercegovine, zaposleni u stranim ili međunarodnim organizacijama i ustanovama, stranim konzularnim i diplomatskim predstavništvima sa sjedištem na teritoriji Federacije,
5. lica s prebivalištem na teritoriji Federacije zaposlene u inozemstvu kod inostranog poslodavca koje nemaju zdravstveno osiguranje inostrane ustanove, odnosno tijela u čijoj je nadležnosti provođenje zdravstvenog osiguranja (u daljem tekstu: inostrani nosilac zdravstvenog osiguranja).
6. lica koja se nakon završenog obrazovanja nalaze na obaveznom praktičnom radu, ako rade s punim radnim vremenom,
7. lica koje na teritoriji Federacije obavljaju privrednu ili neprivrednu djelatnost ličnim radom,
8. lica koje su vlasnici privatnih poduzeća sa sjedištem na teritoriji Federacije, ako nisu zdravstveno osigurani po drugom osnovu,
9. zemljoradnici koji se na teritoriji Federacije bave zemljoradnjom kao jedinim ili glavnim zanimanjem, zemljoradnici koji su svoje poljoprivredno zemljište dali u zakup i lica koja su uzela poljoprivredno zemljište u zakup, ako nisu zdravstveno osigurana po drugom osnovu, 1



0. korisnici penzija i korisnici prava na profesionalnu rehabilitaciju i zapošljavanje po propisima o penzijskom i invalidskom osiguranju Federacije,

11. korisnici penzija i invalidnina s prebivalištem na teritoriji Federacije koji to pravo ostvaruju isključivo od inostranog nosioca penzijskog i invalidskog osiguranja, ako međunarodnim ugovorom nije drugačije određeno,

12. nezaposlena lica koje su prijavljene zavodu za zapošljavanje ako su:

- se prijavila u roku od 30 dana nakon prestanka radnog odnosa, obavljanja djelatnosti ili nakon prestanka primanja naknade plaća na koju imaju pravo prema ovom zakonu ili prema propisima donesenim na osnovu ovog zakona,

- se prijavila u roku od 30 dana nakon služenja vojnog roka ili nakon prestanka nesposobnosti za rad zbog koje su otpuštena s te vojne službe,

- se prijavila u roku od 30 dana nakon otpuštanja iz ustanove za izvršenje krivičnih i prekršajnih sankcija, iz zdravstvene ili druge specijalizirane ustanove, ako je bila primijenjena mjera sigurnosti obveznog psihijatrijskog liječenja u zdravstvenoj ustanovi ili obveznog liječenja alkoholičara i narkomana,

- na stručnom osposobljavanju ili prekvalifikaciji koje organizuje zavod za zapošljavanje,

- se prijavila u roku od 30 dana, po povratku iz inostranstva i ako su prije odlaska u inostranstvo bila zdravstveno osigurana,

- se prijavila u roku od 90 dana nakon završetka školske godine u kojoj su završila redovna školovanja, odnosno od dana položenog ispita ako su prije toga izgubila pravo na zdravstvenu zaštitu,

- se prijavila u roku od 90 dana nakon služenja vojnog roka odnosno od dana prestanka nesposobnosti zbog bolesti radi koje su otpuštena s te vojne službe, ako su na služenju vojnog roka stupila u roku od 60 dana od dana završenog školovanja u odgovarajućoj ustanovi,

13. djeca koja su navršila 15 godina života, odnosno stariji maloljetnici do 18 godina života, a nisu završili osnovno školovanje ili se po završetku osnovnog školovanja nisu zaposlili, ako su se prijavili zavodu za zapošljavanje,

13a. djeca od rođenja, kao i djeca za vrijeme redovitog školovanja u osnovnim i srednjim školama odnosno studiranja na višim i visokim školama te univerzitetima, koja su državljani Bosne i Hercegovine s prebivalištem na teritoriju Federacije, a nisu zdravstveno osigurana kao članovi porodice osiguranika, ali najduže do navršene 26. godine života,

13b. osobe nakon navršenih 65 godina života koje imaju prebivalište na teritoriju Federacije, a koje nisu zdravstveno osigurane po drugoj osnovi u Bosni i Hercegovini ili drugoj državi (u daljnjem tekstu Zakona: lica nakon navršenih 65 godina života),.

14. lica starija od 18 godina koje su prema propisima o školovanju izgubile status učenika, odnosno redovnog studenta ili su prekinula redovno školovanje, zadržavaju pravo na zdravstvenu zaštitu u trajanju od jedne godine od dana prekida školovanja ako su se prijavila Zavodu za zapošljavanje u roku od 30 dana od dana prekida školovanja i ako pravo na zdravstvenu zaštitu ne mogu ostvariti po drugom osnovu,



15. lica s prebivalištem na teritoriji Federacije kojima je priznat status ratnog, mirnodopskog i civilnog invalida rata, odnosno status korisnika poroične invalidnine saglasno pozitivnim propisima, ako nisu zdravstveno osigurana po drugom osnovu,

16. pripadnici Vojske Federacije uključujući i lica na redovnom odsluženju vojnog roka i pripadnici Federalnog ministarstva unutrašnjih poslova (u daljem tekstu: Federalna vojska i pripadnici FMUP-a),

17. pripadnici kantonalne policije,

18. lica koje su prekinula rad zbog toga što ih je pravno lice uputila na stručno obrazovanje ili postdiplomski studij,

19. lice koje je pravno lice prije stupanja u radni odnos uputilo kao svoje stipendiste na praktičan rad ili u drugo pravno lice radi stručnog osposobljavanja ili usavršavanja,

20. lica upućena u inostranstvo u sklopu međunarodne obrazovne, tehničke i kulturne suradnje,

21. vrhunski sportisti ako nisu osigurani po drugom osnovu.

### **3. Obveznici uplate doprinosa**

#### **Član 86.**

Obveznici obračunavanja i uplate doprinosa za obavezno zdravstveno osiguranje su:

1. poduzeća, druga pravna i fizička lica koje obavljaju privrednu i neprivrednu djelatnost - za radnike u radnom odnosu i s njima izjednačene osiguranike, za lica birana ili imenovana na funkcije u određenim tijelima državne ili sudske vlasti i uprave u Federaciji, kantonu i općini, za lica koja obavljaju rad po ugovoru prema propisima o radnim odnosima, za lica upućena na školovanje, stručno usavršavanje, postdiplomatski i doktorski studij ili na praktičan rad, za lica na profesionalnim funkcijama u vjerskim i drugim registrovanim udruženjima, za volontere, za dodatni doprinos za korišćenje zdravstvene zaštite u inostranstvu,

2. Zavod za penzijsko i invalidsko osiguranje za korisnike penzija i korisnike drugih prava po osnovu penzijskog i invalidskog osiguranja,

3. Zavod za zapošljavanje za lica koja su privremeno nezaposlene i kod kojih su ta lica prijavljena,

4. Zavod za socijalnu zaštitu za lica koja primaju stalnu novčanu pomoć i za lica smještena u ustanovama socijalne zaštite,

5. poduzeća i druga pravna lica odnosno nosioci investicija u okviru kojih se izvode radovi - za lica na javnim i drugim radovima, 6. lica zaposlena u inostranstvu - za članove svojih porodica čije je prebivalište na teritoriji kantona ako nisu osigurani po drugom osnovu,

7. nadležno tijelo uprave u Federaciji odnosno kantonu-za pripadnike Federalne vojske, pripadnike FMUP-a i za pripadnike kantonalne policije,

7a. tijelo uprave kantona mjerodavno za poslove socijalne i dječje zaštite

- za djecu od rođenja do polaska u osnovnu školu koja nisu osigurana po drugoj osnovi, a u skladu sa članom 19. tačka 13a. Zakona,

- za lica nakon navršenih 65 godina života, koje nisu zdravstveno osigurane po drugoj osnovi, a u skladu sa članom 19. tačka 13b. Zakona.

8. tijelo uprave kantona mjerodavno za obrazovanje - za učenike odnosno studente koji nisu osigurani po drugoj osnovi u skladu sa članom 19. tačka 13a. Zakona, kao i za učenike odnosno studente koji vrše praktičan rad u svezi s nastavom,.

9. nadležno tijelo uprave kantona odnosno općine - za socijalno ugrožena lica koje nisu osigurana po drugom osnovu, i lica iz člana 19. toč. 15. i 16. i člana 24. toč. 1, 2. i 3. ovog zakona,

10. za strane državljane i lica bez državljanstva koja se školuju ili stručno usavršavaju - davalac stipendije ako ugovorom o stipendiji nije predviđeno da sami plaćaju doprinos,

11. osiguranik - zemljoradnik koji je starješina poljoprivrednog domaćinstva, obveznik je uplate doprinosa za sebe i članove svog porodičnog domaćinstva,

12. autorske agencije, udruženja građana, druga profesionalna udruženja i sportski savez odnosno organizatori sportskih i drugih javnih priredaba - za učesnike u tim priredbama odnosno za članove svojih udruženja koji se bave profesionalnom i drugom djelatnošću odnosno preko kojih ostvaruju prihod, kao i za vrhunske sportiste koji su kao takvi rangirani od Olimpijskog komiteta ili udruženja sportista na nivou Federacije.

Ostala lica same uplaćuju doprinos na osnovu obračuna kantonalnog zavoda osiguranja.